

六安州志卷之三十五

人物志十

孝友

晉

何琦字萬倫司空充之從子也父阜淮南內史卒琦年十四哀毀過禮性沉敏有識度好古博學居宣城陽穀縣事母純孝孜孜色養嘗患甘鮮不贍乃爲郡主簿察孝廉除郎中以選補宣城涇陽縣令司徒王導引爲參軍不就及居母喪哀毀骨立方殯在堂適鄰

六安州志

卷之三十五 孝友

一

家火相逼家乏童使倉卒計無從出乃撫棺號哭俄而風止火息惟堂獨存其孝誠所感如此服闋嘆曰所以仕者利微祿供養耳今已榮然無復怙恃其可復以朽鈍之質塵黷清朝哉累徵召不起琦善養性恆以述作爲事著三國評論凡撰錄百許篇行於世年八十二卒

南宋

何子平少有志行事母至孝宋文帝時爲海虞令得祿惟以供母不及妻孥人疑其儉薄子平日希祿本在

養親不在爲己聞者慚而退母喪去官哀毀踰禮每哭頓絕方蘇孝武末東土飢荒繼以師旅八年不得營葬晝夜號哭常如袒括之日冬不衣絮夏不就清涼一日以米數合爲粥不進鹽菜所居室不蔽風雨兄子伯興欲爲葺理子平不肯曰我情事未伸天地一罪人耳屋何宜覆時蔡興宗爲會稽太守甚加矜賞爲營塚壙

梁

何燭字士光父遵大中大夫燭年十五從兄亂受業一

六安州志

卷之三十五 孝友

二

期並通五經章句年十九爲揚州主簿舉秀才累遷王府行參軍尙書兵庫二曹郎止爲永康令以和理稱爲仁威南康王內記室遷治書御史以父疾經旬衣不解帶頭不沐櫛信宿之間形貌頓改及父卒號痛不絕聲枕由藉地竟以毀卒

宋

白朴字仁甫號蘭谷少隨父樞判真定遭兵亂至親相失自是不茹葷血人問其故曰俟見吾親後如初居平恆鬱鬱不樂誓不求仕中統初開府史公等屢薦

不屈遂渡江而避從諸故友放情山水間詩篇詞翰
在在有之皆寓不忘故國之意所著有天籟詞集

明

黃用賢字以能性至孝早喪父家貧力學事母張奉養
備至母嘗病躬侍湯藥衣不解帶母喪哀毀骨立水
漿不入口者數日朝夕哭奠如生比葬廬墓三年號
泣不輟墓側有泉湧出虎馴擾不爲害兩經延火而
室不燬鄉人咸以爲孝誠所致成化丁酉督學御史
載珊特異之上其事於朝詔旌其門

六安州志

卷之三十五

孝友

三

張時厚字廷載裔出眉山蘇軾之後曾祖志仁世居羅
田因元季亂徙六安更姓張時幼穎悟年十四父卒
居喪如禮補弟子員母病侍湯藥靡懈及卒卜兆泮
河廬墓三年時歲歉盜多不犯其廬有烏鳥翔集狐
兔馴擾之異鄉人以爲孝感置地五畝附化城寺守
墳成化間詔書旌表以東宮恩詔擢定州判官

黃岳字宗大性至孝母病剝股肉以進立愈御史曹璘
作文以紀之陳寔有詩曰春暉堂前秋風早百尺靈
椿委枯草芳華消歇已足悲況復萱花抱霜倒南山

有酒誰共持北堂機杼空蛛絲夜臺無路弔雙影重
泉寂寞陰飈吹天涯遊子歸心急一夜驚憂鬢化白
回首刺繡五彩紋只有斑斑淚痕濕生存零落百世
哀舉觴長跪澆蒿萊三牲何處展私養千里悔到黃
金臺生前恩寵雙龍敕死後銘旌燕許筆高天厚地
孝子心還恐哀哀未終極杜鵑有血三月紅墓廬寥
落荒榛中慈烏啼罷夜光黑四山松柏來悲風
單植字良稼父傳會試卒於京邸訃聞植哭踴頓絕旣
蘇勺水不入口者數日葬後廬墓三年晝夜哀哭鄰

六安州志

卷之三十五

孝友

四

媼至爲廢食貧甚飢粥不繼鄰人輒食餽之拒不受
所司欲上聞辭曰分內事也敢釣名以欺世哉中宏
治乙卯鄉試卒於家戴鏞題其墓曰孝子

白永盛字甯夫少有大志爲郡學生早孤奉母徐氏務
得其歡心兄永昌遭疾奔走求醫以房券質藥逮卒
哭之嘔血事嫂曹氏如母嫂守節永盛以子嗣其後
鄉人欲爲曹求旌者輒止之曰家世不幸可利美名
而重痛恨耶聞者嘆服七科不第退修於家不以貧
富顯晦易志鄰有盜其木板者或告之姓名答曰一

木之微何忍令彼豪盜名其孝友乃自天植也著有
溪山集藁

章仲義字太和嚴毅方正與弟仲倫同居比官悉以田
產讓弟囊無私蓄

盧昭事母曲盡奉養母性嚴嘗痛撻之昭懽然承受前
母兄頑劣昭爲娶婦兄尋歿遺孤貧苦昭收恤之若
己子性尤好施竭力以周貧乏每大雪日爲饘粥以
飼丐者孜孜樂善不倦云

周傑字良卿天性孝友父喪哀毀逾禮比葬結廬墓所

六安州志

卷之三十五

孝友

五

三年如一日母歿亦如之編修姚宏謨詩曰平原漠
漠暮雲生辛苦誰知孝子情幾度月華寒夜曉一廬
風雪石牀平自是懷人依宿草未須隨俗急浮名祇
今隴樹啼烏處猶是當年哭墓聲後領鄉貢署平湖
長興臨江教事闡明至教所在無不興起撫按聞之
命主白鹿洞以訓一方之士可謂篤行矣

李九疇字序卿父以鰥病廢祖老且貧九疇事之曲盡
孝養朝夕甘旨殫力營致及卒棺衾悉皆稱貸鄉里
憐之而喪葬悉能如禮知州喻南嶽上其事詔旌其

門曰順孫習醫宗丹溪心法鄉里有病者徒步往診
之悉心調治不計其利與人和易溫雅爲鄉評所重
鄧向榮贈以詩曰厯下山田未可荒躬耕曾見幾流
芳負犁汝亦同心者秋稻炊來粒粒香妻郭氏亦以

孝稱

吳繼宗祖洵疽發背繼宗刲股進得愈上臺交旌之
武紹元庠生父患疾鍼灸必以身先居喪哀毀四載不
入寢室有司以孝聞獲旌

潘戈字惟兌本衛百戶性孝居喪恪遵古禮父母歿逾

六安州志

卷之三十五

孝友

六

數十年每忌晨必齋戒哭奠至老不廢鄉黨翕然以
孝稱巡按樊云孝行素聞

駱士恂州庠生性孝友明末城陷賊傷右臂鄉紳公舉
孝行學正唐永年看云孝友素著於鄉里廉節能存
於患難學使批云駱士恂素行云優公評允協特予
優獎以勵士風

何金節婦冷氏遺腹子事母誠篤母疾金親爲嘗糞年
九十一卒金廬墓三年有蜂集於墓側人以爲孝感
所致萬厯庚申知州楊際會具奏疏曰竊惟人子孝

親之心有一念之不純必不能篤終身之慕有一念之不誠必不能妙動物之感純則久而能愛非矯名也誠則感而能通非襲取也今何金以遺腹之子篤報母之思由幼及老怡顏順志之意不違自始至終生事死哀之禮曲盡泣病嘗糞忘其口之於味也是以神錫醫而投藥力疾寢苦忘其體之安佚也是以蜂感義而集窩非純心行孝至誠動物詎有是乎伏乞皇上念孝道百行之攸係非輕憫孝子一念之微忱當錄特敕該部將何金照例旌表奏下禮曹從之

六安州志

卷之三十五

孝友

七

許仲卿歛賓州守朱天民贊略云事繼母以肫誠讓幼弟以田產晚杜門以課孫爲務孫汝霖歲貢生任蕭縣訓導

朱德溥庠生朱開儒次子年十二割股活母劉氏

國朝

馬晉錫字于蕃天性孝友父之光卒於官晉錫輿輓偕繼母及幼弟歸里貧不能自給而奉母甘旨無缺雖時有訶責順受無忤癸卯舉南榜第一四方慕其文者爭相延致所得修脯悉以養母族人貧者周之繼

親之志也已未歲大祲故人有官於開封者往貸得粟數十石由汴達六親朋取之立盡未嘗以升斗給家人以貧故不能具肥甘奉母終身不茹葷酒自外歸必登父壠盤桓旬日而返愛異母弟教之有成家事無分爾我繼母愛之亦倍己子焉仕授崑山教諭未數月忽瞑目端坐鼻垂玉柱綴息相下上者三日含笑泊然而逝遺書諸子惟云善事祖母勿負我三十年苦心此外無他囑大江南北人士無不知有馬孝子云弟康錫子詒誥謀俱諸生有文名

六安州志

卷之三十五

孝友

八

李世芳割股愈父

張奮志萬里尋父骸骨而歸

謝叔因年十一割股活母傅氏

李植廩生李喬之第五子年甫十齡值母病剜股肉入藥餌中以進母以不起沈疴竟延三稔雖事近不經然以毀齒嬰兒嚙身救親呼籲無路之至性可風也傅形銓父生員組客粵西久而不返隻身迎歸母劉年踰大耋形銓雖貧生養死葬盡志備物終身孺慕時咸稱孝

程尙德性孝父餽侍寢不入私室兩次刲股救父疾獲痊不使人知

程之光歲貢生性誠孝雍正六年七月生員徐豈陵等呈稱之光孝思不匱懿行堪傳侍父疾而癰裏吮膿人間罕見事繼母而痢中嘗糞世上希聞其他中矩中規殆盡可矜可式結學詳州查該生讀書明理立品敦倫事父敬母本孺慕以終身嘗糞吮膿揚孝思於衆口賓筵已列異數未膺宜亟表揚隨經轉詳藩憲

六安州志

卷之三十五

孝友

九

王祚州庠生事繼母李氏至孝母寢疾日夕奉侍藥必親嘗友愛幼弟產業毫不自私族有賣身爲人僕者捐貲贖歸並給牛種使有恒業自活子生員璠遵遺命修紅石橋連城橋俱畢功復於辛卯甲午儉歲捐助賑是亦善繼父志者

黃師展字孟遷鄉賢進士九錫家孫生員珮子六齡而孤奉節母聶曲盡孝思爲請旌建坊由鄉貢掌教豐邑力新學校尤以內行誼勗諸生詩多恬退孺慕未幾陳情終養先意承顏凡娛親者無不至母卒哀毀

七日不食竟殞苦次子太學生元理元復事母亦以孝稱詩云孝子不匱永錫爾類殆謂是矣

李驊庠生年十九父太學生枝榮病驢調湯藥衣不解帶者九十餘日一夕焚香祝天願以身代刲股以進翼日旋愈壽至八十二歲性嗜經史註有南台摘鑑二函南台拾翠尺牘

陳嗣禹事繼母張至孝母病刲股愈之

邱從先字甯野明太守玳四世孫父民達州文學崇正壬午城陷罵賊死賊退從先於積屍中得父骸刺血

六安州志

卷之三十五

孝友

十

以驗舉歸葬奉母避難流離困苦不缺甘旨撫弟姪成立國初潰卒盤踞猾吏藉賦役啖人從先夙以文行見重州守時叅謀畫爲民豁累課子弟以古人之學以明經訓六合辭歸舉鄉飲大賓壽登大耋無疾終子時成載一統志

蔣叔植字任公舉甲午鄉試赴禮闈歸至壽春聞父喪躃踊哭泣眠食俱廢至家以哀毀遇疾卒

楊茲字芸圃明侍御四知孫讀書穿穴原本由拔貢中康熙庚午鄉試性孝以養親授經霍邑親一旦無疾

逝茲奔赴不及訣遂哀毀致疾中年而卒

陳謨字公猷武進士性孝友事二親先意承志及歿哀毀逾常弟企平蚤卒撫兩孤憲憲俱登科逮析產令與己均而爲三官至登州遊擊有偉績

黃爲竹字千尋幼孤仲父咨岐沒祖曉命爲竹繼其後事所嗣母如生母所嗣母歿乃復依本生母於諸昆弟委曲調劑務悅親心性謙沖廉慎尤嗜學喪葬悉遵古禮膺康熙癸卯選拔未及仕卒

史筆字左書都司斌子雍正乙卯拔貢兄弟友愛潛心

六安州志

卷之三十五

孝友

十一

理學教子授徒不徒文藝必以孝友爲先且樂行善推解無倦所有著述咸爲珍重

楊瑜字瑾楚側貢生弟璿字麗章廩膳生相友愛俱事親孝歲飢瑜捐穀助賑璿亦多所施予瑜卒璿爲訓課其子成諸生瑜子道淵璿子道淇皆有傳

祝繩字其武附監生少孤事母孝中年喪偶不再娶

周興祖字裕孫少孤事母孝年二十三喪偶幼子方在抱不更娶兄生員慶祖歿撫其子女長爲婚嫁篤嗜書史義方訓後長子世奇霍邑歲貢阜甯訓導次世

景世求俱列賢序昆季同居數十載毫無閒言里人亦以孝友稱之

史文魯字維周副憲洪諱四世孫七歲喪父兄紹魯續魯皆別居獨文魯依母側稍長卽能孝養母歿喪葬以禮既兄歿文魯養嫂與姪爲姪完娶姪歿撫其遺孤二人後文魯既歿子岸復爲二孤完娶可謂善承父志矣

黃大本字位天弟大仁字樂天皆篤行爲竹子事親至孝母先卒二子哀毀終喪猶外處食糲投徒養父每

六安州志

卷之三十五

孝友

十二

進自甘必均及伯父以承父意父年邁與老人譙集歸輒暮二子必親往迎隆冬積雪不輟也或屏立門外伺譙畢侍歸父病日夜扶持病劇嘗糞無難色爲竹嘗曰吾老且病差能忘苦者幸兒佳婦亦順也父卒二子廬墓號於大雪中聞者皆痛大本爲人和易大仁尤方嚴每自外歸兄弟必相對譴如言所聞見論學或至夜分未嘗先入寢室居平授徒說經盛暑必冠帶大本先歿大仁守其法不改諸生初苦之久而怡然受其訓稱大本號曰澄源先生大仁曰慎齋

先生大本終於廩膳生大仁終於歲貢生乾隆三十八年衆舉大本孝子三十九年奉旨入祠建坊大本子三溪江海大仁撫孤教思甚篤皆入州學有聲大仁晚詮著六經尤邃於易年七十八卒子濯廩膳生張級字聖階庠生性純孝至老愈篤父奏公年八十餘級年亦六十矣父欲有所往必自扶持至飲食浣濯諸瑣事非躬檢閱不敢進父寢疾調奉湯藥衣不解帶者四十餘日其子守一恐級以憂瘁成疾從容謂曰父年高恐過勞頓兒在此父可少憩級曰吾正爲

六安州志

卷之三十五

孝友

三

吾父年高欲長此勞頓不可得爾父卒喪葬祭祀盡誠盡慎年七十八無疾而逝

陳國琛字來遠力田爲業天性純孝父有疾兄弟皆遠館餽口琛獨不離左右侍晝夜者六閱月父終哀毀過人凡附棺身必誠信因母慘戚移榻母房不歸私室者九年及母歿買山營葬率子姪負土爲塚後病革屬弟承泉葬已於父母塚側

馬譽字麟標古樸端方不隨世俗性至孝母張氏疾飲食湯藥皆手治調服母年八十而卒子驗齡貢生

張圃字仲灌號南岡諸生鄉試屢不捷乃授徒家塾中與弟子講誦性簡默侍親則笑語懇款親爲歡暢冬夜必潛俟親熟睡而後去天未明則已侍寢門外矣夏則洗枕席滌溺器事必躬親親或遘疾曲審病原投藥輒效及親喪倚廬疏食麻衣三年不去身父母葬百里外每思親則悵然獨往伏地悲號歸路無旅舍嘗露處待旦體素弱因以成疾性樂施與長兄破家財分給貧乏親故中有負債者爲償之或有詐爲債以誑圃金圃終以誠待人不異其志歲凶負圃金

六安州志

卷之三十五

孝友

十四

者盡焚其券病時手不釋卷曰讀書之樂萬慮皆捐矣所著述經傳及鎔于錄二卷藏於家大抵歸本程朱而亦多先儒所未發者年六十二卒一子纔六歲繼塲以兄子爲嗣又卒有孫二人

徐綸字宸佐歲貢生性醇謹每一言動必期無慚爾室篤於事親父嗜學喜交遊能先體親意遇事周備使親極歡親沒喪葬盡禮歲時享祭必躡踊痛哭自中年至老不衰卒年七十有二

祝熊明進士啟庸裔孫也熊兄弟七人析居後獨熊侍

父側兄有居山中者一日父往視適夜水發廬舍漂沒殆盡熊聞信卽匍匐往救幸父與兄俱在樹間水深不能下熊立淺水中三晝夜始負父挈兄以歸

關箬字箬亭號舊雨士倫之次子也優廩生乾隆庚子舉人江蘇寶應縣教諭天性孝友其父素樂周卹箬每善體親意曲成之母趙疾侍側三載手調湯藥必嘗以進起坐必自扶持親歿哭至氣甦者再營葬獨勤析家產厚資悉以畀兄弟終始怡怡嘗曰骨肉之間無私財也生平寡笑言遠勢利博通經史兼工詩

六安州志

卷之三十五

孝友

主

字嗜學至老不倦莅寶應集生徒晨夕講誨有三貧生陷飛訟亟爲申白復其矜年七十一歲卒於官歸葬於嶧山父母塚之側門生朱士彥等私謚爲文靜先生子承熙元輝進士

附高郵王侍御念孫諫文靜先生挺生于六孝友克敦與人肅睦性謹以誠貌古而樸勢利不啻詩書滿屋作爲文章理境杼軸漢博宋醇得所歸宿七困春闈終甘苦藉迪教安宜化雨普沐文星德星胡隕之速官冷囊空舟寒麥粥丹旆南旋長途水陸愴想先生臨風一哭

楊仁字統四國學生性純孝母患癰瘕臥牀褥十二年仁晨昏侍養不敢頃刻離母歿哀毀骨立號泣如孺

子聞者墮淚

黃元魯字青麟庠生母病藥不效剖股進之立愈復病痢醫疑未決元魯乃嘗糞知爲熱疾投藥卽效母歿嘔血數升哀毀逾禮及葬遇山路不平處輒哀號匍伏於地露宿塚側三晝夜有烏集於墓哀鳴數日而去子本振

王岳號副南增生青雲次子性誠篤不驚近名少慕馬於蕃黃澄源兩孝子之爲人父蚤喪事母及繼祖母承歡盡養獨肩其任不以諉諸昆歿後每歲時必走

六安州志

卷之三十五

孝友

主

百餘里省墓盡哀乃己家素貧僅田數畝宅一區力勸季弟並己產悉以讓兄兄歿割己宅釀金撫姪數載寡嫂暨季姪又歿後事皆身任之弟軒應鄉舉道中卒岳徒步而往哀泣扶輿歸里讀書不慕榮利敦崇實行敝衣藿食以終其身處世接物抑然善下市井居奇貨見岳誠篤皆爲感動州人士相與語曰世盡王君安用此守令丞倅爲耶舌耕督課幼學心力俱瘁故成就者衆卒年五十有九子立中用中體中履中庠生俱洎謹綽有父風

李從龍稗年刲股救母郡守褒以匾路拾遺金還其主
楊名播字載南孝友醇謹稱於鄉里少勵詩書補博士
弟子員屢試優等兄弟四人昆季皆不問生計遂棄
舉子業捫搯家政遇邑有義舉於修理黌宮建立書
院以及添設廣惠局等事莫不首倡舉行乾隆五十
年郡大飢首倡捐賑濟賴以全活者甚眾延師課子
督率其嚴子四人長志偕邑增生次志信乾隆甲辰
進士由庶吉士改禮部歷官山東布政使署巡撫事
次志偕志儀俱列邑庠孫十二人愷之拔貢宜之舉

六安州志

卷之三十五

孝友

七

人官國子監監丞恒之孝廉方正餘皆列庠序有傳
見藝文

黃廷珍字蘭圃號瑞華增監生負至性少事父母得歡
心父大馥由乾隆辛未進士歷官四川忠州都司被
議効力伊犁廷珍隻身萬里輿僕鮮從省親三次奉
父南歸偕季弟廷寶承歡色養十有八年一門孝友
雍如穆如父病衣不解帶及喪哀毀水漿不入口者
數日葬廬墓祭竭誠春露秋霜必登父壠盤桓旬日
終身無閒尤慷慨好義族黨中冠婚喪祭事力不能

舉者悉成之樂善不倦士林咸推重焉學使萬公和
圖旌其間曰敦倫範俗著有省西彙草卒年七十三
歲子廣業廩生有父風性豪邁尙氣節遇事敢爲不
避艱險訓子授徒首重器識可以徵家學焉

黃廷寶字渭華號芝圃父大馥官温州衛守備時因萱
堂年老不能就養命廷寶奉母歸侍大母父升任四
川謫戍新疆廷寶留養大母益孝謹絕不以被議聞
母與大母相繼歿附身附棺均無悔仲兄廷璧官粵
西州倅卒獨往迎櫬歸葬與兄廷珍均以孝友聞于

六安州志

卷之三十五

孝友

六

廣忠號恕齋循循風矩束身投徒不立崖岸而品學
日醇名噪於庠應鄉舉屢不售恬然以明經終

申鎮歲貢生幼喪父事母孝苦心讀書未冠入學友于
兄弟受產自處其薄有友人子趙某撫如己子教養
兼盡口授成名年近八旬卧床背書三日而終子廷
壩歲貢性孝友有父風篤志於學工楷書爲人恬退
隻字不入公門

黃濯字方纓號仙雲廩生孝友傳大仁子性端方識敏
達有父風事父及繼母始終以色養俱得歡心和宗

族篤友誼涉世一以利濟爲心凡屬義舉無不踴躍
生平酷嗜讀書經學古學皆力追古人至老不倦卒
年七十有三

黃江字導岷增生孝子大本次子性純厚而敏讀書數
行俱下十歲失怙恃哀毀盡禮事叔父母如父母四
十載無缺儀篤友于兄歿慰孀嫂撫諸孤教養兼盡
交友尙道誼盡忠告處親族情意浹洽遇紛爭以忍
讓消芥蒂而勇於爲義樂道人善成人美生平敦品
績學處境無順逆悉率其自然教授鄉里學者師之

六安州志

卷之三十五

孝友

九

多所成就晚年閉戶惟吟咏自適時舉先人忠孝示
子孫卒年七十有六子樹梅庠生

沈徽皆字典五號蘭圃優廩生巢縣協防千總鏜長子
幼有至性讀朱子小學書遇古人孝友懿行輒慕而
欲效之事親能召養窺意不適多方寬慰偶遭疾躬
侍湯藥衣不解帶痊而後已有弟五人親爲訓課督
之甚嚴鍵戶不出者十數年後皆各有成就性喜節
儉甘淡泊敝衣粗食言動每稱古人與人交必以信
或笑其迂不顧也體素羸而好學能文試輒高等疊

薦南闈年四十一賁志而歿士林惜之

王右錕字同衡號鴻園國學生幼失怙事孀母楊至孝
母歿哀感路人卜地葬親事必躬勞費皆已出兄弟
五人自幼飲食衣服一切知讓兄兄右鐸右鎔相繼
逝撫姪如子教養成立一入成均一入州學事伯兄
右鑑仲兄右鈺終身愛敬弗衰獨力修宗祠譜捐金
四五百千修順德橋以便行人承父志也又捐烟墩
集岡地作義塚以掩白骨施藥焚券存心利物平生
慎言行喜交遊與人樂易不露圭角梓里羣相推重

六安州志

卷之三十五

孝友

十

張登岐字繼邠太學生性誠慤不苟言笑幼偕兄庠生
天門弟太學生登嶠苦讀書屢試不售志不稍懈事
親至孝侍奉飲食起居均能先意承志父遭疾侍湯
藥二載晝夜不離寒暑無間親歿喪葬盡禮逢家忌
必痛哭流涕如新喪天門登嶠夫婦皆早逝遺孤大
楷大業愛如己出教之讀書爲婚娶均賴以成立故
大楷之子匡奎登壬午賢書皆貽謀之善所致
曹青選字舉安庠生性孝友親年高出入扶持朝夕未
嘗離左右父母顧而樂之曰吾有汝可保餘年矣兄

士聰凡有所命必恭敬委曲以從終身無閒言平居
謹言慎行常以讀書立品勵後學歲凶減家用餘穀
給鄉人作種並不取償子之鼎國學生之槓從九品
厚庠生

熊可象字簡庭號江皋庠生性孝友事父母能養志同
胞兄三俱早逝諸姪幼且貧己分田產數畝屋宇數
間悉讓之並助日用修脯撫之如子教以成立族黨
稱之無間言生平廉靜端方和平寬厚杜門二十餘
年有古學士風通經術善書法有三友堂集待鐫子

六安州志

卷之三十五

孝友

三

一槐監生一崧庠生一樵監生

王睿字道存國學生例貢生學海長子九歲而孤偕兩
弟讀書出入恪遵母教及長侍母病親調湯藥衣不
解帶者旬餘母卒喪葬盡禮其友愛兩弟亦至性仲
弟廷驥中乾隆丁酉武魁任杭嚴衛千總季弟廷標
秉性樸誠治家有法皆教訓之力也兩弟歿視姪猶
子督責俱成立教子有方年七十以壽終

張騰蛟字靜涵號霖軒庠生明末忠烈大翼來孫昭武
都尉緒俞子善承家學敬事父母悉得歡心胞弟六

人登科第者三或供職京師或宦遊他省餘皆遊庠
入成均篤志詩書凡家事悉委一己而內無私蓄外
無閒言里人以爲有公藝風乾隆乙巳歲飢奉父命
乞糴江西往來跋涉不憚艱辛糴米歸全活者甚衆
子三長遵福績學早逝次遵悅次鴻舉俱庠生孫徵
品早歲遊庠會孫紹鏞亦英年食廩餼

劉華清字道坦敦孝友好讀書父早逝侍母疾衣不解
帶者四年年六十二卒詩文畱貽家塾行述載在家
乘子筠附生效泉廩生

六安州志

卷之三十五

孝友

三

何載道字象坤太學生植品端正崇實黜華有古風父
早逝常以不逮事爲恨母年六十餘偶遭疾醫之弗
效載勤讀醫書偕兄弟親調湯藥數載母病始愈卒
享高年喪葬悉遵古禮處家友兄弟撫子姪五世同
居一門雍穆里人咸稱頌焉歿年七十有八

許鈞字金臺號鳬塘太湖訓導嗣雲次子幼失恃事繼
母如所生母久病思避囂鈞請移己室勤省視親湯
藥寒暑罔間及卒躬理喪務悉準前喪越日父營生
擴亟請兩母並窆焉每祭必號泣盡哀乃已弱冠遊

庠食餽旋任蒙城訓導請父就養不獲命乃攜異母弟銳至署親督課之在蒙日有課月有程杯酒決科不受贅惟以文行相切劘居平事親先意承志務得歡心父嗜古籍且喜與賢士大夫遊餉廣購異書數十百卷並營甘旨以供伯兄銳長九齡恆敬禮如嚴師導誨兩弟皆至性流露臨財必退遜年三十四癩瘵疾自蒙歸甫半載歿聞者咸痛惜之子恩嶸業儒聶溥字靜涵號魯堂州庠生篤行增廣生聶誠長子五歲失恃事繼母卽知承順能愛諸弟得父母歡心居

六安州志

卷之三十五

孝友

三

父喪哀毀骨立寢苦廬墓不飲酒茹葷事無大小行止必受命于母變產營葬事修祖墓購祭田而家徒四壁舌耕餬口晏如也耆齡事繼母猶嬰兒時諸弟皆頌白溥待之亦恆如嬰兒母歿溥年六十三哀毀尙如孺子堂兄敬宗貧甚爲給衣食與同居並蓄其妻子凡八年敬宗子琦泣告欲去堅畱之又五年琦堅請始贈以錢別居焉表姊陳氏孀居養之十餘年歿後葬之已地歲時親爲致祭先人有更姓任者寄籍舒城其後裔任士吉來溥給衣食讀書于家命弟

銘教之後還舒入縣學道光元年州人公舉溥孝廉方正力辭不就州牧牛贈之額曰年高德劭學師吳贈之額曰白雲畱住卒年七十有八病中呻吟有終身無孽障含笑入黃泉之句弟銘庠生著有周易說說滙十卷尙書最豁解十卷四書口授錄三十八卷藏于家子廷和早卒孫震修業儒純孝有祖風道光八年州人士公舉溥孝子請旌建坊

梁人傑太學生少穎異篤愛天倫中年父楷歿恪遵遺訓率兩弟苦志營家竭情事母年逾六秩侍膳服勤

六安州志

卷之三十五

孝友

雷

不忘孺慕撫兩弟恩義兼盡敦本睦族重友輕財樂成人之美母氏李年九十歿哀毀骨立居喪一遵古禮既合葬結廬墓側晨夕哀號弟人驥憂兄老且病勸令稍節哀傑曰母撫我六十八年相依爲命今忽不見母能不悲乎踰年病篤家人強之歸卒年七十聶維鏞字恭孚監生年十二事繼母克盡孝父病進湯藥必先嘗之及歿哀毀骨立廬墓者三年歲時伏臘輒繞墓痛哭叔母王氏貧無依迎養終其身與諸弟同居未嘗私一財視姪輩如己子戚族以緩急告者

悉周之子光賢候選巡檢

施道安字大受歲貢生事親純孝母患病雖遠館十餘里外每晚必歸省視親調湯藥昕夕無間母歿哀毀迫切孺慕終其身其課徒尤講明孝經著有孝經旁訓

徐國士號修德以筆耕爲業篤孝友薄田數畝推與姪輩售之館穀有所蓄亦攤給不稍私鄉人以爲難

余痘子失其名少喪父母攜以乞稍長爲鄰牧牛得魚肉必遺母長而傭工日竟所事歸其值於母主人具

六安州志

卷之三十五

孝友

五

魚肉孝子不下箸詢其故孝子作狀主人會其意俾遺母母老而瞽歲大旱輟工作行乞奉母或扶母至所知家人憐其狀稔其孝也與之食母病日久不離既歿哀慟幾死鄰往視之叩頭無數血淚迸流衆爲醵金助之銜泣負土築爲墳晚卧其側日爲人傭隨所得祭其母必哀必敬里人好義者招之稱其孝意若不敢當卽逡巡退人皆稱痘孝子聶敏珮爲之傳痘孝子旣得旌州人士謀垂久遠以碑代坊立於東門之外衆匠方築碑基客有誦聶某所爲傳者

文姓匠輟工聽之曰此乃孝子碑耶孝子如此苦猶如此孝耶且訝且築視他匠加力碑旣立主事者償衆工值文匠不受叩其故曰聊以表吾心也再叩之唯唯而去詢之他匠則曰若年逾四十未娶日茹素以其工之值養母蓋亦孝子也夫天下之以類相感者大抵如斯文匠之孝未識其詳然卽不受工值觀之其發於真性可想矣嗚呼余孝子之孝以得旌而傳文匠之孝又以余孝子而傳其皆有藉始彰哉

太倉王寶仁傳

六安州志

卷之三十五

孝友

五

鮑爲鯉字海門增生性純孝家貧筆耕以養父疾侍藥餌數載弗稍懈父歿哀毀踰禮衰經雖盛暑弗釋旣殯廬墓三年素工楷法索書幾無虛日及居喪有求之者悉謝去母歿亦如之

鄧松齡字心齋號如軒增生幼穎異十歲能屬文弱冠游庠序有聲尤散內行祖成授以長孫田租五十石松分給諸弟而已仍得其分之一不忍居讓名兼不敢沒祖惠也某弟食指衆而居止狹卽以己所居擴之陽得百金值陰實昇焉年五十二居父喪哀毀骨

立水漿不入口者數日諸弟跪勸之方飲粥糜六十
二居母喪亦如之試三薦不售絕意進取課諸弟姪
及族戚子弟未嘗受一修脯其貧者資以膏火數十
年如一日年七十病卒著有四書述師毀於燹子爾
保歲貢生候選訓導

徐啟文字畫溪監生性孝友母病兄啟山方應春官試
未歸文奉侍湯藥衣不解帶者數月母歿哀毀骨立
繼母患眩暈疾文禱於神刲股肉剪髮和藥以進遂
獲愈幼從兄讀終身事之如嚴師善屬文工書法兄

六安州志

卷之三十五

孝友

毛

通籍官京師文居家恂恂如寒素嘗爲州人士書屏
幃以祝州守守賞之欲一見不可得次年州試得其
卷復大賞之置前列會得兄寄書謂某月日猶子卒
則大慟遂不入覆試場後以省兄入都兄留之爲納
監應順天鄉試屢薦不售遂棄舉子業隨兄任下北
河廳稽工程司出納綜理周密兄甚樂之然每製一
衣取一物必稟白然後服用迨歸里以室隘與兄異
居日必聚首凡濟困救乏矜恤孤寡必佐兄成之兄
嘗獨修族譜編纂支系皆恃文一手兄富著述又搜

名人遺集刊之悉爲校理精密付梓及咸豐三年兄
隨呂侍郎賢基督團練守舒城文往省之勢已不可
爲兄紿之歸而與呂公殉節死王事文間關往尋兄
尸百計得之昇歸以葬悲憤成疾遂卒年五十九子
原箴附貢生中書銜原符候選府經歷

楊若潮字蘇生號步韓家素貧奮志苦讀弱冠補弟子
員制藝力追先正工詩賦造唐宋人室尤敦內行父
早歿事母曲盡孝思雖日奉菽水亦多方慰藉務博
母歡數十年如一日焉撫弱弟若舟自髫齡至成人

六安州志

卷之三十五

孝友

天

授室竭盡心力友愛備至訓讀更殷勤不懈七歲爲
啟蒙經書俱口授稍長教之屬文作詩賦講解意義
唇舌焦敝必令其恍悟通曉而後已苦心孤詣卒使
舟學業成就入庠食廩餼其孝友如此生平狷介自
好家空乏饘粥幾不給嚴冬卧無被襲薰籠課子弟
夜讀衣不解帶者閱八年口不言貧恬然自適分外
無妄干惟以筆耕爲業操守亦堅卓矣而襟懷洒落
時以杯酒自娛歌出金石初不爲身境役鄉里後進
游其門者率兢兢焉以廉隅相砥礪其衣鉢然也年

七十卒子士衡繼其志入州庠以武功歷授休寧縣訓導和州學正現任亳州教諭加鹽提舉銜 賞戴藍翎

關世恩字廉臣以所居曰連城畝又字連城歲貢生候選訓導幼穎悟沉酣經史工詩古文詞下筆輒千百言宗匠咸器之屢取冠軍性至孝冬月母得中風疾口鼻忽斜醫者謂非鮮血不可世恩禱於天忽一鱖自平地躍出取血塗患處疾隨愈世恩自是不復食鱖仲弟盲於目世恩撫其手畫字案上使識偏旁且

六安州志

卷之三十五

孝友

无

教以音義平仄後竟能詩飢寒溫飽莫不與其教子弟生徒因才授業以故游其門者各得飲勺水以去卒年七十有七子三嵩祺優貢生嵩壽嵩祿俱廩膳生

陳秉鐸字小石增生家世業詩書父文生琢爲東南宿望鐸稟其家學好古文詞戰棘闈屢不售遂絕意進取一以古人爲宗尤喜傳忠孝事咸豐三年皖省陷盜賊四起曹遠榮方總東南團練凡決疑定計飛書徵調鐸與堂兄文生秉文實襄贊之攻舒之役以父

老不獲往就近館日省其父父年逾八旬精神矍鑠咸羨之七年城再陷奉父東避其秋捻股掠鄉村父子朝夕轉徙憂疑驚悸鐸已得怔忡疾八年賊遠去衆謂野無所掠當不復至乃奉父歸久之艱於日食不得已往貸他所一日賊突入鐸家逼其父令出貲不應筆之無完膚及賊去解救竟嘔血死鐸聞信急馳歸見父慘狀不能救大慟血淚迸出歛父尸瘞之遂不食卒子學會未入流瘞鐸尸亦不食死

聶震修字子隣號雨亭暮年失怙稟母教稍長祖溥訓

六安州志

卷之三十五

孝友

手

以詩書能兢兢自勵授室後母病設榻床側不入私室者三年爲母澣污衣雖嚴冬敲冰不辭瘁及母歿哀毀骨立痛不欲生不飲酒茹葷又三年至孝殆性成也平居治家有法課諸弟子姪輩嚴厲中必循循誘掖處宗族接鄰黨一本誠信寬和人咸服之嗣因祖父母暨父母停柩未葬遂托堪輿業奔走數年得佳城而後已卒年五十有九子長材咸豐八年遇賊殉難

聶鑑鏞字鳳來號練巷國學生髫齡讀書能勵志弱冠

父命理家政極意拊搆尤敦內行事父母克盡孝道
先意承志務得歡心同胞兄弟四人父歿後事長兄
維鏞極謹恪兄怒輒長跪請撻不命之起不敢起次
兄金鏞入武庠家貧無資鑑鏞經營百計令專意嫻
習後列鄉榜至服官十餘年接濟資斧無缺乏堂伯
應錫歿遺有庶室及幼子鑑鏞迎至家飲食教誨不
稍異遠族有名繼者貧老無依安養於家數十年逮
卒殯葬極厚平居教子姪督課甚嚴而引掖開導又
復循循善誘故一室之內食指雖繁處之藹如也卒

六安州志

卷之三十五

孝友

三

年五十有六子光著郡庠食廩餼

張觀成字竣安若寬長子有弟二人年齒父命析居凡
授分家貲觀成悉推之二弟自以教讀爲業每得館
穀悉以養親屢試不售力學益堅居恆潔清自矢教
子弟亦諄諄以廉介相勗焉

楊炳生字星橋庠生幼喪母依祖母成立祖母病侍湯
藥不懈咸豐六年歲早親族待舉火者數十家子三
鉞華廩生鉞華楠華庠生孫銘恭庠生

石韞琰家貧力農幼喪母傭工養父甘旨不缺父歿合

葬之常至墓所號泣奠酒漿咸豐七年寇至隣人約
他避琰泣辭曰我若去墓誰與守越數日竟死墓側
鄉里憐之爲附葬父墓側

王元利嘗刲股愈父病父歿廬墓三年

郭士傑字秉和八歲喪父卽知哀痛母病親嘗湯藥數
載不懈父卒三年不茹葷酒兄弟友愛至老益篤

胡家友與弟家習學生家貧各以傭值養親值兵燹習
爲賊擄友疑其死伺賊去徧覓無尸久之習忽歸嗣
友亦爲賊擄習晝夜哀啼祝曰天苟鑒予心當佑我

六安州志

卷之三十五

孝友

三

兄已而友亦歸

高宗保年十歲母歿退父所賃田以市棺田主曰年荒
人死多矣可葉葬何必棺爲不如畱田以自活泣曰
寧可子無田不忍母無棺卒退田具殮以葬

黃世著號鑑齋庠生少孤事母孝聞訓誨必跪聽之母
病篤服湯藥罔效嘗母糞以決生死及卒哀毀骨立
不見齒者三年

周啟奎事母孝母歿葬于山道光二十九年蛟水發暴
漲將沒母墓奎奔省不忍去溺死里人哀之

桂一枝性純孝母沒守棺三年鄉黨稱之

江學琴號桐軒性孝友生母張氏多病每病劇琴輒涕泣不食兄二多積通析居後恆以己財償之不足則繼以產妻亦賢嘗封股療夫病子希潤希瀚優廩生周慶禮業農事親至孝父病篤封股進之立愈

吳大瑛號玉章兄弟析居數載瑛稍裕咸豐六年歲歉悉以己產共之授諸姪以恆業妻汪氏亦賢淑焉

江希添敦厚樸直家貧析居後稍裕時分潤其兄兄卒喪葬悉盡禮教孤姪成立復分其資產之半而與之

六安州志

卷之三十五

孝友

聖

馬金珮以傭工養親得肉必歸而遺母母老得拘舉疾奉侍朝夕不懈每夜焚香告天乞以身代母病尋愈人以爲誠心所格

張正榮篤實謹厚事親養志務得歡心父手足不仁奉侍越六載弗懈及沒哀毀成疾卒

金光俊性孝友咸豐七年寇至俊挈眷遠徙乘間潛視祖父母櫬已爲灰燼號泣赴水死

金守誥監生性孝友咸豐七年城陷偕昆弟侍父他避賊追至執其父欲加拷誥曰我父也出金求釋父暨

兄弟脫去誥奮與賊鬪中其腦賊支解之至死罵不

絕口

江希清字若霖少孤事母孝母多病不喜服藥清必跪進之中年投徒里門亦誼誥以孝友相易子錦春庠生

吳廷美性純篤幼失怙事母盡孝母病越六年日夜侍病不懈及沒哀毀骨立勺漿不入口者數日咸豐七年賊至美守母柩不去賊執而殺之

查同春性孝友父沒三年寢興不離棺側咸豐七年母

六安州志

卷之三十五

孝友

聖

沒停柩在堂賊忽至痛哭不去賊殺之

劉華修字彞叙號石渠事母至孝承歡如孩提有姑三苦節無依生事死葬悉如禮兄敬修出祧時分已產以贈之弟琢修早亡撫遺孤同己出及長教以讀書弗懈鄉里稱之

魏翼芳者儒早失怙事母盡孝母病篤親侍湯藥衣不解帶者四十日夜母沒哀毀踰禮家不中人產而性好施予歲遣人檢白骨瘞之高厰地荆立望江灣義渡捐地三斗爲歲修費行人便之里有忿爭必就質

輒因一言而解卒年九十九孫敦和庠生曾孫廷樑
歲貢生親見五世同堂人以爲盛德之報云

徐麗田字幼農號鑑波優廩生讀書工制舉業尤長於
詩賦學使至試輒冠其曹性情謹事親色養弗衰窮
年矻矻以授徒訓子爲務或有語以外事者漠然不
應也同祖兄秀田苦志力學老於文數奇不售麗田
敬事之時從質問唱和娛慰其志咸豐元年州人議
舉麗田孝廉方正辭不就四年賊陷六避居山僻猶
朝夕手一卷及七年捻股至被擄投水死

六安州志

卷之三十五

孝友

妻

趙秉忠字仲山庠生工小楷善丹青閉戶不干外事善
氣迎人見者敬之事母朝夕供甘旨年七旬猶有孺
子色其至性過人如此

馬秉乾字協莖少孤家貧母孀居祖母衰老乾食力事
親曲盡孝思族兄清福老依乾每病乾必親奉湯藥
久而不衰時人欽之

張錦字繡文少孤母久病親侍湯藥晝夜不離側者三
十餘年母沒兄弟析居錦推讓獨受瘠產晏如也年
七十卒

李 崧字紹青性敦厚尤篤內行事親承志曲得歡心

處兄弟怡怡無間數十年如一日幼勤讀長益自勵
工文章顧久困場屋乃授徒營養菑就有方欽其品
者爭延之會遭粵逆之變繼以捻股拏眷轉徙避深
山時歲逾六旬厯坎坷咤係失意以卒子瑩生孫恩
煦皆補諸生

楊毅堂字子恬父西榛敦樸好學終身不獲售毅堂

生而穎異讀書常過程補弟子員學使沈公維鏞拔
貢第一食廩餼自是試必居高等屢冠軍詩賦尤見

六安州志

卷之三十五

孝友

妻

賞天真爛漫親年俱八十承歡若孩提愛弟尤篤授
歸得脩金奉親瞻弟不以自私咸豐七年城陷父母
相繼歿與弟避亂河西尋被執擁之入城毅堂不屈
遂遇害

楊汝霖字雨三道光辛卯 恩科舉入家貧早失怙恃
祖母嚴撫之成立霖事祖母至孝嘗曰霖無祖母無
以至今日祖母無霖無以終餘年居祖母喪哀毀骨
立竭力營葬體素弱閉戶靜養不妄交入咸重之年
甫四十卒

江繼福性孝謹嘗封股療親病親沒廬墓三年朝夕哭盡哀始終如一日治家有法同居百餘口皆奉福教愛敬怡然無間言喜施與婢僕有母者輒遣之歸給資以養中丞李公表其門曰一鄉善人

張元楷字遜模號式如性孝友蚤年失恃繼母朱絕愛憐之楷先意承志未嘗有微過被譙呵親有疾躬侍湯藥衣不解帶病愈乃已異母弟八人均愛恤親密飲食衣服莫不與共諸弟亦事之惟謹一堂和樂人交稱之

六安州志

卷之三十五

孝友

姜

吳學古性孝友父病偏枯若扶持抑搔三年不離卧側粵賊擾鄉里輒背負病父避他所屢瀕於危終不稍釋竟獲免事繼母能得歡心家雖貧奉父母衣食必豐必潔兄福謙補諸生每與人言輒稱其弟之孝云陳爲椿字茂生少孤事兄如父勤讀得鼻衄疾兄憫之令輟業少愈則曰吾家無游手不讀則耕耳兄止之不可中年析居朱嘗三日不省兄有言輒敬聽之雖不欲亦順受無忤色居母喪毀瘠踰禮與人交樸訥如愚人咸稱之子大倫補諸生

吳百行字孝先生而誠篤言動不苟敢孝弟不煩師訓讀書通大義母鮑多病躬親湯餌平時儲善藥以備之寒煥飢渴類不後所欲禮事兄嫂撫子姪尤篤愛理家數十年上下輯睦爲人英儁而善檢飭非公不入城市嫺族告貸皆飽其欲子庠生

吳百穀字西田三歲失怙事母黃最孝十歲時母偶不食穀亦不食和顏寬慰母色稍霽始就讀與兄百益析箸或謂宜均受遺產不宜以多寡啟後爭穀曰一世兄弟來生未必然吾豫爲妥置爭於何有終其身

六安州志

卷之三十五

孝友

姜

無間言家稍裕輒賜親族子虞臣監生闔臣從九品吳運開字啟愚庠生讀經史見古人嘉言懿行輒嚮慕焉與人處言若不能出諸口至教弟子不匿人過事母劉孳孝家事皆身任之不以煩母心母病扶掖躬親雖厠膺未嘗委之家人晚年家寢落處之坦然卒年七十有三

吳毓琅字文賓家貧事母喻最孝遠方友致重金延課其子以母老却之母病侍湯藥衣不解帶者數月與弟析居歲分修脯以給之子修來沛來登來俱諸生

徐次春字景三號竹隱少孤事母以孝聞兄弟俱早沒撫諸姪讀書成立及異居猶分潤以貲俾無乏訓子有義方世耕讀業卒年六十八

武邦烈字廷揚父病侍湯藥衣不解帶父沒以課讀養母母沒時匍匐哭墓側終其身不衰

馮祥事親以孝聞父有命未嘗或違父疾侍奉不離者三年沒後自負土以葬

車金斗以孝聞母沒哀毀骨立廬墓者數月

張鴻業字於勤監生事親孝遇盛饌輒辭曰家素貧親

六安州志

卷之三十五

孝友

三

老乏甘旨養何忍獨嘗此羞隨也母病侍湯藥親滌穢器治家秩然訓子弟以義方里人多之

夏士純少讀書家貧改操農業咸豐七年夏父金印歿殯歛在堂賊大至家人倉惶勸其走避純不可強掖之抵死不肯出賊入室搜索已焚火將焚其廬純哀號求之一賊戲之曰汝能死吾免爾焚純乃即賊手取其刀自刎血噴湧立仆賊就視之氣已絕矣皆大駭呼其黨去父柩得免

朱自雄字心遠業醫敦孝友居父母喪哀毀過禮諸弟

有過不忍面斥輒持杖自責謂己無教訓至此也諸

弟相戒不敢有過舉鄉人以穆彤擬之卒年六十二

王鳳翔庠生性純篤植品立學居恆教讀爲業從遊甚

衆見父年高雖有聘弗往榮陞監湫必身奉之數十

年如一日二親俱壽考終居喪哀毀成疾踰年卒

黃鎔庠生性孝友昆季二人父貿易多逋負身獨任之

父壽終遺有餘產全推與弟仍歷年教讀償夙債弟

產盡身故撫猶子倍於所生各授一業爲完娶有族

叔鰥無依迎養之喪葬悉如禮

六安州志

卷之三十五

孝友

三

盛大椿歲貢生長春子性孝友母病親嘗湯藥卧母榻旁四十餘年盥洗必親侍奉父母俱過八旬相繼卒椿哀勞成疾尋亦卒

陳宏禮善岐黃術事親以孝聞父疾籲天求代藥罔效潛刲股投劑中進之疾旋愈會股創劇體羸甚父窮詰之始得其情後父終哀毀踰節越年餘卒

張光輔字左卿績學能文州院試皆冠軍咸科輒列高等存至性與兄步濂筆耕營養歲時歸以俸金獻之父兄未嘗私一錢隨兄赴秋闈雖乏微物必請於兄

見許而後購之年逾四十循循若孺子咸豐丁巳春
母歿甫殮賊忽至或勸出避輔不可賊入疑棺中爲
蓋藏物將啟之輔號泣伏棺上賊怒舉火焚其室與
母棺俱燼妻周氏亦被殺

吳毓琅文生號醒齋性孝友家貧父抱疾數年晝夜奉
侍衣不解帶尤善事繼母宗族稱道不衰與胞弟相
依歡欣一室至白首如童穉焉

吳戴文文生字麗中號檢齋少孤事母孝事兄悌其孟
兄病故累年飲泣家人徵伺之其枕衾襟袖斑斑皆

六安州志

卷之三十五 孝友

三

淚痕也饒而丁祖母憂哀毀骨立體粥不入口者數
日尤銳志詩書族間諸子弟經出於門下者甚夥晚
年優游閭里以詩書自娛年九十一歲同堂五世鄉
先生曠爲孝友所致云

吳事文生字

少孤孀母苦志以事為嗣奉侍數十

年不懈母歿上其事邀旌如例性孝友制行謹恪
尤攻苦為文章有聲序纂科應鄉試以疾卒於金
陵士林情之于鴻來有文名屢薦不售以諸生終

封股

劉鼎魁武生道光二十三年父病封股以進

胡大燮道光二十八年母病封股和藥以進

張義貞祖母病封股進之立愈

陳本忠文童同治八年三月母病本忠焚香禱神封股
進之愈

江選文耆民幼孤事孀母盡孝母病文祈北斗封股進
之遂愈三弟皆數歲教之成立

吳贈綱母病封股進之愈

六安州志

卷之三十五 封股

三

劉明先母病兩次封股進之皆愈

尹德榮母病封股進之愈

張玉珍祖母病封股以進愈

祝之魁同治三年母病封股進之愈母現年七十

祝向煦同治九年父病封股以進愈

陳開榮咸豐九年母病封股以進愈